



Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 41. Fretum Magellanicum detectum

[urn:nbn:de:hbz:466:1-66414](#)

pro instruenda classe, æreque alieno pe- Sæcul. XVI.
 nitus solvendo destinabantur. Cum ve- A.C. 1519.
 ro invidia perpetuo sit mærori obnoxia,
 ita Didacus Velasquez Insulæ Cubæ gu-
 bernator de aliena, quam Cortesius sibi
 acquisierat, gloria tristis, eundem inquis
 consiliis perdere animo constituit; quin
 imo adversus illum copias in aciem edu-
 xit, eisque Pamphilum de Narbaes præ-
 fecit; vicit tamen Cortesii fortitudo;
 quippe Pamphilus capitur, omnesque ejus
 milites ad Cortesii vexilla transeunt. Ast
 Hispani viribus aucti secundis hucus-
 que rebus modum imponere, brevi ne-
 gligebant, in tantas crudelitates effusi,
 ut non levem nomini suo labem inferen-
 tes, ab ipsis nationis suæ Viris probi-
 tate ac genere conspicuis veluti huma-
 nitatem exuisse, merito redarguerentur.

§. XLI.

Fretum Magellanicum apertum.

Post tam amplam detecti Mexici pro- *Anton. Vera*
speritatem, rerum series nos ad ter- hist. Carol. V.
ras Polo Antarcticō magis propinquas p. 25.
deducit, quas sub felicissimis Caroli Cæ- Ferdin. Fi-
saris auspiciis Ferdinandus Magellanus zarro illust.
seu Magelhaëns Lusitanorum Bellidux de nuevo
detexerat. Is, cum a Lusitaniae Rege Mundo col-
suum sibi stipendum medio nummi au- left. rer.
rei pretio singulos in menses augeri pete- Indic. c. 3.
Maff. I. 8.
ret, *Ofor. I. II.*

Sæcul. XVI. ret, repulsam passus, a Rege suo descivit,
A. C. 1519. ac continuo se ad Carolum contulit, a
 quo perbenigne exceptus, Anno millesi-
 mo quingentesimo decimo nono Hispali-
 cum quinque naviis optime instructis
 in pelagus procurrit, diversamque ab illa,
 quam Lusitani sequebantur, semitam ag-
 greditur, navigationis compendio multo

Raynald. ad proficuo. Ergo vastissimis maris adhuc-
 ann. 1520. dum incogniti undis sese committit, at-
 n. 98. & 99. que ab æquinoctiali plaga viginti quinque
 graduum iter conficit, quo in itinere
 minus glaciei, ac tempestatum injuria
 fessus, quam militum suorum dissidiis fra-
 ctus est. Ast omnibus hisce obstaculis
 superior Fretum detexit, quod ab ipsius
 nomine *Magellanum* nuncupabatur; inde
 vero vela faciens, per mare pacificum us-
 que ad insulas Los · Sadrons (*) pro-
 gressus est, ubi tamen propinato veneno
 obiit; referunt alii, eum, postquam In-
 sulam Cebu subegisset, in prælio ad In-
 sulam Matan commisso, sub annum a
 Christo nato millesimum quingentesimum
 vigesimum octavum occubuisse.

§. XLII.

(*) Forte designantur Insulae Latronum, que
 in Archipelago S. Lazari inter Oceanum Ori-
 entalem, & mare Pacificum sitæ sunt.